

LIGJ

Nr.9296, date 21.10.2004

PER VERIFIKIMIN, IDENTIFIKIMIN DHE REGJISTRIMIN E SHTETASVE NGA  
NJESITE E QEVERISJES VENDORE

Ne mbështetje te neneve 78 dhe 83 pika 1 te Kushtetutës me propozimin e Komisionit te  
Posaçme Parlamentar për Reformën Zgjedhore,

KUVENDI  
I REPUBLIKES SE SHQIPERISE

VENDOSI:

KREU I  
DISPOZITA TE PERGJITHSHME

Neni 1  
Qëllimi

Ky ligj ka për qëllim verifikimin, identifikimin dhe regjistrimin nga njësitë e qeverisjes  
vendore te shtetasve te banojnë nen juridiksionin e tyre si dhe, sipas rastit, transferimin e  
gjendjes se tyre civile.

Neni 2  
Përkufizime

Ne zbatim te këtij ligji termat e mëposhtëm kane këto kuptime:

1. "Adrese shifrore zgjedhore" quhet kodi shifror i identifikimit, i hartuar sipas nenit 6 te këtij  
ligji, i cili shërben për identifikimin e vendndodhjes se banesës se shtetasit dhe përdoret  
vetëm për nevojat e këtij ligji.
2. "Dokument identifikimi" kuptohet letërnjoftimi personal ose një certifikate lindjeje me  
fotografi.
3. "Njësi te qeverisjes vendore" quhen bashkite dhe komunat, ndërsa për qytetin e Tiranës,  
njësitë bashkiake.
4. "Shtetas me banim te paregjistruar ne gjendjen civile te vendbanimit" quhen shtetasit qe  
banojnë ne territorin e një njësie te qeverisjes vendore, por qe nuk janë te regjistruar ne  
regjistrin themeltar te zyrës se gjendjes civile te kësaj njësie.
5. "Zone regjistrimi" kuptohet territori gjeografik qe pasqyron kufijtë dhe madhësinë e zonës  
se qendrës se votimit.

Neni 3  
Autoriteti zbatues dhe afati i veprimit

1. Zbatimi i dispozitave te parashikuara nga ky ligj është përgjegjësi e autoriteteve shtetërore  
te përcaktuara ne këtij ligj.
2. Procesi i verifikimit, identifikimit dhe regjistrimit nga njësitë e qeverisjes vendore te  
shtetasve qe banojnë nen juridiksionin e tyre, si tille, sipas rastit, transferimit te gjendjes  
civile te, tyre, fillon ne datën e hyrjes ne fuqi te këtij ligji dhe përfundon me 28 shkurt 2005.

#### Neni 4

##### Detyrimi për t'u përgjigjur

Te gjithë shtetasit janë te detyruar te japin saktësisht te dhënat e kërkuara për procesin e verifikimit identifikimit dhe transferimit te te dhënave te gjendjes civile.

#### Neni 5

##### Baza e te dhënave

Baze për fillimin e procesit te verifikimit, identifikimit dhe regjistrimit nga njësitë e qeverisjes vendore te shtetasve qe banojnë ne territorin nen juridiksionin e tyre shërbejnë:

- a) te dhënat e përfshira ne regjistrat themeltare te shtetasve te zyrave te gjendjes civile te njësive te qeverisjes vendore përkatëse;
- b) Baza Elektronike e te Dhënave te Zgjedhësve pranë Komisionit Qendror te Zgjedhjeve, për aq sa dhe si e parashikon ky ligj;
- c) hartat e njësive te qeverisjes vendore te hartuara nga zyrat e urbanistikes te njësive përkatëse se bashku me planvendosjen e banesave. Hartat duhet te tregojnë saktësisht kufijtë administrative te njësive përkatëse te qeverisjes vendore.

#### Neni 6

##### Adresa shifrore zgjedhore

1. Ne zbatim te këtij ligji, çdo shtetasi, i cili verifikohet se banon ne territorin e një njësie te qeverisjes vendore i caktohet adresa shifrore zgjedhore përkatëse.
2. Adresa shifrore zgjedhore përbëhet nga tre komponentë:
  - a) komponenti i pare është një kod treshifror, i cili pasqyron kodin e zyrës se gjendjes civile qe ka nenjuridiksion territorin ne te cilin banon shtetasi i verifikuar;
  - b) komponenti i dyte është një kod katërshifror qe pasqyron numrin e zonave te regjistrimit qe përfshihet ne territorin nen juridiksionin e zyrës se gjendjes civile, sipas shkronjës "a" te kësaj pike. Sistemi i numërimit te zonave te regjistrimit behet sipas sistemit unik kombëtar te numërimit te zonave te qendrave te votimit te miratuar nga KQZ-ja;
  - c) komponenti i trete është një kod treshifror i cili pasqyron numrin rendor te ndërtesave qe ndodhen brenda një zone regjistrimi.

## KREU II

### DETYRAT E AUTORITETEVE SHTETERORE

#### Neni 7

##### Kompetenca te posaçme te Ministrisë se Pushtetit Vendor dhe Decentralizimit

1. Ministria e Pushtetit Vendor dhe Decentralizimit ngarkohet me mbikëqyrjen, bashkërendimin e veprimtarive ndërmjet organeve dhe institucioneve te ngarkuara me këtë ligj dhe verifikimin e zbatimit te tij.
2. Ministria e Pushtetit Vendor dhe Decentralizimit përcakton metodologjinë dhe nxjerr udhëzimet e nevojshme ne baze e për zbatim te këtij ligji.
3. Jo me vone se 15 dite nga hyrja ne fuqi e këtij ligji, Ministria e Pushtetit Vendor dhe Decentralizimit harton, miraton dheu shpërndan njësive te qeverisjes vendore formularët e kërkesave te përcaktuara ne nenin 15 te këtij ligji.
4. Jo me vone se 15 dite nga hyrja ne fuqi e këtij ligji, Ministria e Pushtetit Vendor dhe Decentralizimit miraton dhe u dërgon kryetareve te njësive te qeverisjes vendore sistemin

unik kombëtar te adresave shifrore zgjedhore, sipas përcaktimeve te nenit 6 shkronjat "a" dhe "b" te këtij ligji dhe u kërkon atyre te numërojnë ndërtesat ne territorin nen juridiksionin e tyre, sipas përcaktimeve te bëra ne këtë ligj.

5. Ministria e Pushtetit Vendor dhe Decentralizimit zhvillon fushatën e ndërgjegjësimit publik për procesin e verifikimit, identifikimit dhe transferimit te te dhënave te gjendjes civile.

## Neni 8

Detyra te posaçme te Komisionit Qendror te Zgjedhjeve

1. Brenda 15 ditëve nga hyrja ne fuqi e këtij ligji, Komisioni Qendror i Zgjedhjeve u dërgon kryetareve te njësive te qeverisjes vendore te dhënat e mëposhtme, te nxjerra nga Baza Elektronike e te Dhënave te Zgjedhësve pranë tij:

a) listën e shtetasve te regjistruar ne zyrën e gjendjes civile përkatëse sipas zonave te regjistrimit te përcaktuara sipas shkronjës "b" te nenit 6 te këtij ligji. Kjo liste hartohet për çdo zone regjistrimi;

b) listën e shtetasve qe rezultojnë te jene me banim te paregjistruar ne territorin e zonës se regjistrimit, te përcaktuara sipas shkronjës "b" te nenit 6 te këtij ligji te asaj njësie te qeverisjes vendore por qe janë te regjistruar ne zyrën e gjendjes civile te një njësie tjetër te qeverisjes vendore. Kjo liste hartohet për çdo zone regjistrimi.

2. Listat sipas pikës 1 te këtij neni duhet te përmbajnë emrat e zgjedhësve, te renditur ne mënyrë alfabetike sipas mbiemrit, zyrën e gjendjes civile nga e kane burimin, numrin e regjistrimit dhe atë te faqes se regjistrimit, adresën sipas bazës se te dhënave, numrin e qendrës se votimit, si dhe një kolone te veçante për te shënuar numrin e zonës se regjistrimit ne territorin e se cilës shtetasi banon ne mënyrë te përhershme.

3. Listat sipas pikës 1 te këtij neni, përgatiten dhe u shpërndahen njësive te qeverisjes vendore nga KQZ-ja.

4. KQZ-ja përgatit dhe shpërndan edhe një formular te paplotësuar, i cili do te plotësohet nga grupet e verifikimit gjate punës ne terren me te dhënat e shtetasve qe banojnë ne mënyrë te përhershme ne territorin e njësisë përkatëse te qeverisjes vendore por qe nuk figurojnë ne asnjë nga listat e parashikuara ne piken 1 te këtij neni.

## Neni 9

Detyra te posaçme te organeve te qeverisjes vendore

1. Ne zbatim te dispozitave te këtij ligji kryetari i njësisë se qeverisjes vendore ngre një grup pune qe funksionon pranë tij, te përbëre nga kryetari i njësisë se qeverisjes vendore, përgjegjësi i zyrës se gjendjes civile përgjegjësi i zyrës se urbanistikes (për njësitë bashkiake te Tiranës, nëpunësi i ngarkuar me problemet e urbanistikes) dhe nëpunësi qe ngarkohet me detyrën e koordinatorit te grupeve te verifikimit. Grupi i punës ka detyre te organizoje punën përgatitore për verifikimin, identifikimin dhe transferimin e te dhënave te gjendjes civile te shtetasve dhe te kontrolloje zbatimin e detyrave nga strukturat e ndërvarura.

2. Brenda 30 ditëve nga hyrja ne fuqi e këtij ligji kryetaret e njësive te qeverisjes vendore duhet te miratojnë ndarjen e njësisë përkatëse te qeverisjes vendore ne zona regjistrimi, t'u caktojnë atyre numrin përkatës sipas sistemit te numërtimit unik kombëtar dhe t'i pasqyrojnë ato ne harte. Harta duhet te tregojë ne mënyrë te qarte kufijtë e zonave te regjistrimit, numrin rendor te tyre dhe zyrën përkatëse te gjendjes civile qe ka nenjuridiksion atë zone regjistrimi.

3. Brenda afatit te përcaktuar ne piken 2 te këtij neni, zyrat përkatëse te urbanistikes ne njësitë e qeverisjes vendore duhet te përfundojnë numërtimin dhe pasqyrimin ne harte te ndërtesave qe ndodhen brenda zonës se regjistrimit. Numërtimi fillon rishtas për çdo zone

regjistrimi derisa te numërtohen te gjitha ndërtesat e asaj zone. Për njësitë bashkiake te Tiranes kjo detyre kryhet nga zyra e Urbanistikes e Bashkise se Tiranes.

4. Pas përgatitjes se tyre, hartat bëhen publike ne vende me akses te gjere te publikut pranë zyrave te organeve te qeverisjes vendore, si dhe ne zona te tjera publike brenda territorit te qendrave te banuara te përfshira ne njësitë përkatëse.

5. Hartat e përgatitura ne çdo rast nuk shërbejnë si baze dokumentare ose dokument zyrtar për procesin e legalizimit te zonave informale.

### KREU III

#### PROCEDURA E VERIFIKIMIT DHE IDENTIFIKIMIT TE SHTETASVE ME BANIM NE TERRITORIN E NJESISE SE QEVERISJES VENDORE

##### Neni 10

###### Grupet e verifikimit

1. Për verifikimin e te dhënave ne terren dhe dokumentimin e ndryshimeve, kryetari i njësisë se qeverisjes vendore, për te gjitha njësitë e qeverisjes vendore me mbi 5 000 banore ngre jo me pak se një grup verifikimi te përbëre nga 2 anëtarë. Një grup verifikimi mbulon jo me pak se 3 zona regjistrimi. Për bashkite nen 5 000 banore dhe komunat verifikimi dhe identifikimi, sipas dispozitave te këtij ligji kryhet nga nëpunësit e administratës përkatëse.

2. Kryetari i njësisë se qeverisjes vendore jo me vone se 10 dite nga hyrja ne fuqi e këtij ligji, emëron ne detyrën e verifikuesit punonjës te administratës se bashkise ose komunës qe, si rregull, gëzojnë statusin e nëpunësit civil. Si rregull, anëtarët e grupit te verifikimit duhet te kenë përvojë ne fushën e zgjedhjeve ose te gjendjes civile.

3. Kryetari i njësisë se qeverisjes vendore, ne bashkërendim me Ministrinë e Pushtetit Vendor dhe Decentralizimit, përcakton brenda afatit te pikës 2 te këtij neni orarin e punës te zyrave te gjendjes civile ose te grupeve te verifikimit, si dhe përcakton për grupet e verifikimit zonën e mbulimit dhe grafikun e lëvizjes se tyre ne terren.

4. Grupi i verifikuesve gjate procesit te verifikimit përdor tre formularët e përcaktuar ne pikat 1 dhe 4 te nenit 8 te këtij ligji.

5. Për zbatimin e këtij ligji nëpunësit e zyrave te gjendjes civile dhe anëtarët e grupeve te verifikimit veprojnë nen mbikëqyrjen, autoritetin dhe përgjegjësinë e kryetarit te njësisë se qeverisjes vendore përkatëse.

##### Neni 11

###### Verifikimi i shtetasve te regjistruar ne gjendjen civile te vendbanimit

1. Nëse grupi i verifikimit identifikon shtetas me te drejte vote qe gjenden ne listën e dërguar nga KQZ-ja, sipas shkronjës "a" te pikës 1 te nenit 8 te këtij ligji, grupi i verifikimit evidenton saktësinë e te dhënave, si pas gjendjes faktike ne terren dhe u cakton shtetasve adresën shifrore zgjedhon:.

2. Identifikimi i shtetasve behet mbi bazën e dokumentit te identifikimit.

3. Ne rast se shtetasi nuk disponon një dokument identifikimi, grupi i verifikuesve mban shënim personin dhe banesën përkatëse dhe i cakton një afat te dyte për verifikim mbi bazën e dokumentit te identifikimit. Verifikimi i dyte kryhet jo me vone se pese dite nga verifikimi i pare. Ne rast se identifikimi nuk realizohet me verifikimin e dyte atehere identifikimi kryhet nga Policia e Rendit ne përputhje me nenin 14 te këtij ligji.

##### Neni 12

###### Verifikimi i shtetasve te paregjistruar ne gjendjen civile te vendbanimit

1. Nëse grupi i verifikimit identifikon shtetas qe figurojnë ne regjistrin e dërguar nga KQZ-ja; sipas shkronjës "b" te pikës 1 te nenit 8 te këtij ligji, grupi i verifikimit evidenton saktësinë e te dhënave, sipas gjendjes faktike ne terren dhe u cakton shtetasve adresën shifrore zgjedhore.
2. Identifikimi i shtetasve behet mbi bazën e dokumentit te identifikimit.
3. Ne rast se shtetasi nuk disponon një dokument identifikimi, grupi i verifikuesve mban shënim personin dhe banesën përkatëse dhe i cakton një afat te dyte për verifikim mbi bazën e dokumentit te identifikimit. Verifikimi i dyte kryhet jo me vone se 10 dite nga verifikimi i pare. Ne rast se identifikimi nuk realizohet me verifikimin e dyte; atehere identifikimi kryhet nga Policia e Rendit ne përputhje me nenin 14 te këtij ligji.

#### Neni 13

##### Identifikimi i personave pa dokumente identifikimi te gjendjes civile

1. Nëse grupi i verifikimit identifikon shtetas me banim te paregjistruar ne territorin e një zone regjistrimi qe nuk janë ne listat e përcaktuara ne shkronjat "a" dhe "b" te pikës 1 te nenit 8 te këtij ligji grupi duhet t'u kërkojë këtyre personave një dokument zyrtar identifikimi me burim nga gjendja civile ku te pasqyrohet zyra përkatëse e gjendjes civile dhe numri i regjistrit dhe fletës se regjistrit themeltar ku ai është i regjistruar. Grupi i verifikimit shënon ne formularin e përcaktuar ne piken 4 te nenit 8 te këtij ligji te dhënat e përcaktuara ne formular.
1. Grupi i verifikimit administron dokumentin ose një kopje te tij dhe ia bashkëngjit formularit.
3. Ne rast se shtetasi nuk disponon një dokument identifikimi, sipas pikës 1 te këtij neni, por disponon një dokument tjetër identifikimi te ligjshëm, grupi i verifikuesve shënon ne regjistër te dhënat sipas atij dokumenti dhe te dhënat e tjera sipas deklarimit te shtetasit, duke specifikuar njësinë e qeverisjes vendore ne zyrën e gjendjes civile te se cilës shtetasi është i regjistruar.
4. Grupi i verifikimit i raporton kryetarit te njësisë se qeverisjes vendore te dhënat e personave te verifikuar sipas pikës 1 ose 3 te këtij neni. Kryetari i njësisë se qeverisjes vendore ose personi i deleguar prej tij, verifikon këto te dhëna ne Bazën Elektronike te te Dhënave te Zgjedhësve pranë Komisionit Qendror te Zgjedhjeve, duke specifikuar njësinë e qeverisjes vendore ne zyrën e gjendjes civile te se cilës shtetasi është i regjistruar.

#### Neni 14

##### Identifikimi i shtetasve nga Policia e Rendit

1. Për personat për te cilët nuk ka qene i mundur identifikimi i tyre ne përputhje me nenet 11, 12 dhe 13 te këtij ligji, brenda 5 ditëve nga konstatimi, kryetari i njësisë se qeverisjes vendore u dërgon organeve te Policisë se Rendit, sipas juridiksionit, listën e personave te paidentifikuar se bashku me te dhënat e grumbulluara për ta, me qellim identifikimin e tyre.
2. Ne zbatim te këtij neni, Policia e Rendit identifikon emrin, atësinë, mbiemrin, zyrën e gjendjes civile ku është i regjistruar personi dhe numrin e regjistrit themeltar përkatës.
3. Policia e Rendit i dërgon kryetarit te njësisë përkatëse te qeverisjes vendore te dhënat, sipas pikës 2 te këtij neni brenda 10 ditëve nga data e paraqitjes se kërkesës nga kryetari i njësisë se qeverisjes vendore sipas pikës 1 te këtij neni.

#### KREU IV

## PROCEDURA E REGJISTRIMIT TE SHETASVE ME BANIM NE TERRITORIN E NJESISE SE QEVERISJES VENDORE E NJESISE

### Neni 15

#### Kërkesa për regjistrim

1. Procesi i regjistrimit ne regjistrin e gjendjes civile; sipas këtij ligji, kryhet ne te gjitha rastet kur nga verifikimi janë konstatuar shkaqe ligjore për transferimin e te dhënave te gjendjes civile ose për shkëputje nga trangu familjar.
2. Procedurat e regjistrimit fillojnë me paraqitjen e kërkesës nga kryefamiljari. Grupi i verifikimit i dorëzon kryefamiljarit formularin e kërkesës për transferimin e dokumenteve te gjendjes civile, ne përfundim te verifikimit dhe identifikimit te kryer sipas neneve 12, 13 ose 14 te këtij ligji. Formulari nënshkruhet nga kërkuesi ne prani te anëtarëve te grupit te verifikimit dhe këta te fundit e konfirmojnë këtë fakt duke nënshkruar kërkesën se bashku me kërkuesin.
3. Ne rast se shtetasi i identifikuar sipas neneve 11, 12, 13 ose 14 te këtij ligji nuk banon me kryefamiljarin atehere kërkesa përfshin edhe shkëputjen e tij dhe te personave qe jetojnë me te nga trangu familjar i kryefamiljarit.
4. Grupi i verifikimit dorëzon ne fund te çdo dite formularët e kërkesave për regjistrim, sipas pikave 2 dhe 3 te këtij neni, ne zyrën përkatëse te gjendjes civile te cilat regjistrohen ne një regjistër te veçante. Me dorëzimin e kërkesave, zyra e gjendjes civile fillon procedurën e transferimit te gjendjes civile te kërkuesit.
5. Regjistrimi i shtetasve sipas procedurave te parashikuara ne këtë ligj nuk ndikon ne procesin e legalizimit te banesave te këtyre shtetasve.
6. Ne rast te mosnënshkrimit te formularit te kërkesës për transferimin e te dhënave te gjendjes civile grupi i verifikimit i raporton me shkrim ne fund te çdo dite zyrës se gjendjes civile te njësisë vendore përkatëse emrat e personave qe nuk pranuan transferimin e te dhënave te gjendjes civile. Këto te dhëna reflektohen nga zyra e gjendjes civile ne regjistrin e përkohshëm te shtetasve te paregjistruar ne regjistrin themeltar te gjendjes civile te vendbanimit. Lista me emrat e këtyre banoreve i dërgohet Drejtorisë se Përgjithshme te Gjendjes Civile, e cila bën rregullimin dhe mbikëqyrjen metodologjike te regjistrit te përkohshëm te shtetasve te paregjistruar ne regjistrin themeltar te gjendjes civile.

### Neni 16

#### Raportimi vullnetar i te dhënave

Gjate periudhës se përcaktuar nga ky ligj shtetasit mund te paraqiten personalisht pranë zyrave te gjendjes civile për te raportuar te dhënat ne lidhje me adresën ose vendndodhjen e banesës se tyre brenda një zone regjistrimi dhe, kur është e nevojshme për te paraqitur ndonjë nga kërkesat e përcaktuara ne nenin 15 te këtij ligji. Zyra e gjendjes civile ia kalon për verifikim kërkesat grupit te verifikimit.

### Neni 17

#### Procedura për transferimin e gjendjes civile

1. Te gjitha zyrat e gjendjes civile qe i përkasin vendbanimit te ri te shtetasve shqyrtojnë kërkesat e paraqitura për transferimin e fletefamiljes dhe dërgojnë njoftim zyrtar ne zyrat e gjendjes civile te vendbanimit te vjetër ku ndodhet regjistri themeltar. Për çdo kërkesë njoftimi ne zyrën përkatëse dërgohet jo me vone se 15 dite nga depozitimi i kërkesës nga grupi i verifikimit ne zyrën e gjendjes civile.

Zyrat e gjendjes civile te vendbanimit te vjetër te shtetasve qe kane marre njoftimin nga zyrat e gjendjes civile te vendbanimit te ri për transferimin e flete se regjistrimit themeltar plotësojnë dokumentacionin e kërkuar dhe e dërgojnë atë ne zyrat përkatëse brenda 20 ditëve nga data e paraqitjes se njoftimit.

3. Zyrat e gjendjes civile te vendbanimit te ri te shtetasve bëjnë regjistrimin përkatës dhe dërgojnë ne zyrat përkatëse te vendbanimit te vjetër konfirmimin e marrjes se fletës se regjistrimit themeltar te vendbanimit te vjetër te shtetasve brenda 3 ditëve nga marrja e dokumentacionit. Çregjistrimi nga zyra e gjendjes civile te vendbanimit te vjetër behet brenda 3 ditëve nga marrja e konfirmimit.

4. Pavarësisht nga neni 21 te këtij ligji procedurat e transferimit mbyllen ne përputhje me afatet e përcaktuara ne këtë nen.

#### Neni 18

##### Mbulimi i shpenzimeve

1. Për punën ne realizimin e masave te përcaktuara ne këtë ligj, punonjësit e zyrave te gjendjes civile dhe anëtarët e grupeve te verifikimit shpërblehen ne masën e përcaktuar me vendim te Këshillit te Ministrave.

2. Shpërblimi sipas pikës 1 te këtij neni dhe shpenzimet e Ministrisë se Pushtetit Vendor dhe Decentralizimit, te njësive te qeverisjes vendore dhe te Komisionit Qendror te Zgjedhjeve për zbatimin e këtij ligji përballohen nga Buxheti i Shtetit.

3. Brenda 5 ditëve nga hyrja ne fuqi e këtij ligji Këshilli i Ministrave nxjerr aktet nënligjore për zbatimin e pikës 2 te këtij neni.

#### Neni 19

##### Sanksione administrative dhe penale

1. Nëpunësit e zyrave te gjendjes civile ose anëtarët e grupeve te verifikimit kur përfshijnë ne dokumentacionin qe hartohet prej tyre te dhëna te rreme për shtetasit qe verifikojnë. përgjigjen penalisht ne baze te nenit 186 te Kodit Penal.

2. Anëtarët e grupeve te verifikimit kur me dashje nuk kryejnë verifikimin dhe identifikimin e plote ne përputhje me nenet 11, 12 dhe 13 te këtij ligji, si dhe kur nuk pranojnë te marrin ne dorëzim kërkesat sipas nenit 15 te tij, përgjigjen penalisht ne baze te nenit 248 te Kodit Penal.

3. Shkelja e rregullave te tjera te parashikuara ne këtë ligj nga nëpunësit e zyrave te gjendjes civile ose te anëtarëve te grupeve te verifikimit dënohet me gjobe nga 10 000 deri ne 100 000 leke. Gjoba vendoset nga kryetari i njësisë përkatëse te qeverisjes vendore dhe përbën titull ekzekutiv.

4. Kryetaret e njësive te qeverisjes vendore mbajnë përgjegjësi për mosrespektim te detyrimeve te përcaktuara ne këtë ligj nga administrata e ngarkuar me kryerjen e detyrave. Ne rast se kryetaret e njësive te qeverisjes vendore nuk përmbushin detyrimet e përcaktuara ne këtë ligj, ndaj tyre Këshilli i Ministrave nis procedurat e shkarkimit te parashikuara nga ligji nr.8652, date 31.7.2000 "Për organizimin dhe funksionimin e pushtetit vendor".

#### Neni 20

##### Pezullimi i dispozitave te tjera

Te gjitha llojet e shërbimeve te gjendjes civile te përcaktuara nga ky ligj ne zbatim te këtij ligji ose te dispozitave ligjore e nënligjore qe rregullojnë këtë fushe, do te kryhen pa pagese deri ne përfundim te afatit te parashikuar ne nenin 21 te këtij ligji.

Neni 21  
Hyrja ne fuqi

Ky ligi hyn ne fuqi menjëherë dhe i shtrin efektet e tij deri ne datën 28 shkurt 2005.

Shpallur me dekretin nr. 4365, date 25.10.2004 te Presidentit te Republikës se Shqipërisë,  
Alfred Moisiu